

Jus Canonicum Practice Explicatum, Seu Decisiones Casuum

Ad Singulos Decretalium Gregorii Papæ IX. Titulos, & ad consuetum
Referendi modum accommodatæ. Opus Novum

Complectens alteram Decretalium medietatem, videlicet nonaginta duos
Titulos, à Titulo XX. libri III. de Feudis usque ad finem

Pichler, Vitus

Ingolstadii, 1734

Quæstio III. An in potestate Episcopi sit pro absente Parocho constituere
Vicarium, quem ipse voluerit, contradicente Patrono?

[urn:nbn:de:hbz:466:1-62204](https://nbn-resolving.de/urn:nbn:de:hbz:466:1-62204)

juxta communissimam DD. in l. 1.
ff. de Nundinis. Panormit. & Felin. in e.
cum accessisse de Constit. Schurff. Cons.
14. cens. 1. per tot. Gail. l. 2. observ.
60. n. 1. seqq. Partim quia etiam jus
altius tollendi amittitur per Præscrip-
tionem, si à facta prohibitione, &
prohibiti acquiescentiā altius tollere
volentis, fluxit tempus legale. *Text.*
& DD. in l. 6. ff. de servitio, præd. urb.

Ad 5. & Maj. & Min. est falla
ex hoc usque dictis; nam iura spiri-
tuali annexa, quale sunt Primæ

Preces, nequeunt esse inter Rega-
lia Laicorum Principum, & Primas
Preces esse indultum Pontificium in-
negabile est à Catholicō Doctore.
Neque, si essent Regale Imperato-
ris, præscriptionem effugerent sal-
tem immemorabilem, sicut alia
Jura, & Regalia minora Cr.
satis.

OS SO

QUÆSTIO III.

*An in potestate Episcopi sit pro absente Pa-
rocho constituere Vicarium, quem
ipse voluerit, contradic-
cente Patrono?*

Dixeris fortè, id Episcopo non
competere casu, quo recla-
mat Patronus. 1. ob textum in
c. 8. de Jur. par. ubi provisio ab Epis-
copo facta independenter à pa-
tronō, secundū rigorem Juris
dicitur *irritanda*, seu, ut communi-
ter DD. explicant cum Abb. & Fel.

irrita ac invalida. Nec replicari
potest, ibi sermonem esse de pri-
vazione ad patronatum Beneficium
vacans; nam 2. Beneficium Pasto-
rale, de quo hic sermo est, pro
vacante habendum, è quod Pa-
rochus & Pastor, qui de Jure tam
Divino quam Ecclesiastico perlo-
naliter

naliter residere ac per se ipsum præstare officium tenetur. Trid. sif. 6. c. 1. de ref. iff. 23. c. 1. de iij. sit absens, & sic beneficium censeatur virtualiter vacare, & de falso, cum careat possessore. 3. Patrono competit jus & obligatio defendendi Ecclesiam, atque curandi, ut Beneficium ritè administretur, resque divina nullum patiatur detrimentum. can. 31. 32. caus. 16. q. 7. c. 23. b. t. ergo ad patronum quoque spectat curare, ut si Beneficiatus per se ipsum officia Divina & curam animarum exercere non valeat, Vicarius idoneus substitutur, sicut ad ipsum spectat idoneum præsentare Clericum ad Beneficium, præsertim Curatum.

Sed levia hæc sunt & exiguae considerationis, ut adeò mirum sit, hunc Patronum Laicum tantopere contendisse, absque suo consensu & approbatione Vicarium temporalem pro Parocho absente ab Ordinario constitui non posse, imò nec licentiam ad aliò se conferendum dari potuisse Parocho ex causa negoti alibi tractandi. Firmiter si quidem tenendum, patronum, maxime Laicum, imiscere se non posse sicut in cognoscenda sufficientia cause, propter quam Beneficiatus Curatus excusat à personali residenzia, ita & in substituendo ac approbando Vicario pro tempore absunt.

R. P. Pichler Decis. T. 2. 3

Ratio est 1. Plus arrogare sibi patronus nequit, quam ipsi SS. Canones liberaliter & gratiōe indulserunt; quidquid enim juris circa Beneficium patronatum & circa Beneficiatum obtinet patronus, præcipue Laicus, totum est ex gratia & privilegio Ecclesiastico. Matthæuc. in Offic. Eccles. c. 28. n. 1. quippe antiquitus Episcopi liberè ac independenter ab aliis conferebant Beneficia, & constituebant Clericos ad ea administranda. can. 3. 6. &c. caus. 10. q. 1. Laici verò ne quidem capaces erant quidquam faciendi circa provisionem Beneficiale, utpote incapaces juris spiritualis, aut spirituali annexi, quale etiam est jus Patronatus, possidenti, per c. 2. 3. de Judic. & ibi Gloss. c. 16. b. t. S. Thomas 2. 2. q. 100. a. 4. & cum hoc alii communiter. Atqui Sedes Apostolica & SS. Canones Patronis non plus indulserunt, quam facultatem præsentandi Clericum ad Beneficium vacans, præcedentiam in Ecclesia patronata, jus in certis circumstantiis alimenta petendi ab Ecclesia, à se fundata, vel dotata, vel constructa, atque onus impoſuerunt defendendi Ecclesiam, ne opprimatur à potentioribus, ne dos vel bona Ecclesiæ dilapidentur, atque monendi Episopum, si Beneficiatus sua munia non ritè obeat, sed negligens sit; sic enim plerique omnes conformiter tritis illis versiculis: *Patrono debetur honos, onus, emolumen-*

Ii

tum

tum: Praesentet, praefit, defendat, alatur egenus. Ex quibus favoribus (defensio est onus) facile primatum tenetius præsentandi, atque ideo à multis cum Hostiensi jus patronatus definitur esse potestas nominandi seu præsentandi Clericum ad Beneficium vacans. Præsentatio autem nihil est aliud, quam exhibitio personæ idoneæ ad Ecclesiam vel Beneficium vacans Episcopo, vel alteri, ad quem pertinet Institutio, legitime facta. Barbosa de Offic. & pot. Episc. allegat. 72. n. 13. cum Abb. Garc. Riccio, & plerisque aliis. Nihil igitur omnino quoad provisio nem Beneficiale, circa Beneficium & Beneficiatum, Jura Sacra tribuerunt Patronis, quam nominare vel præsentare personam idoneam ad Beneficium vacans, seu quando actualiter & verè vacat: ergo, quando agitur de constituendo Vicario Beneficiati vel Parochi absentis, ægrotantis &c. Beneficiò adhuc plenò, & nondum vacante, nihil juris obtinent Patroni. Præser tim cùm

2. Constitutio Vicarij spiritua lis in Beneficio Curato (uti & cognitio de causa absentie Beneficiati) sit actus jurisdictionis & potestatis Ecclesiasticæ, ut est innegabile, cùm pro fine habeat functiones spirituales ad curam animarum salutemque æternam & supernaturalem ordinatas: atqui nulli patrono, quā tali (minimè Laico) competit ulla potestas aut iurisdictionis in Beneficium

patronatum, aut in ipsam Beneficiatum. can. 18.23.25. can. 16. q. 7. c. 4. b. t. c. 12. de penit. Trid. sess. 24. c. 3. de ref. sess. 15. c. 9. de ref. imò Laicus ad hujusmodi est inhabilis, & in Jure, licet habitatus sit ad præsentandum, nullib[us] tamen reperitur habilitatus ad cognoscendum de causa absentie Beneficiati, vel ad concurrendum in constituendo aut approbando Vicario pro absente &c. dum Beneficium non vacat: ergo nullatenus interponere, intrudere, aut immiscere se potest in cognoscenda causa absentie, providingo, constituendo, approbando Vicario, dum vivit Beneficiatus, & abest à Beneficio &c. ac Beneficium non vacat.

3. Rem facit planissimam ipsum Tridentinum sess. 13. c. 1. de ref. ubi disertè disponit, quid factu opus sit, si contingat Beneficiatum Curatum à loco Beneficij absentem esse: ipsi quidem Beneficiato tribuit potestatem eligendi & substituendi Vicarium, sed approbandum & confirmandum ab Ordinario indepen denter ab omni alio, etiam patro no, cuius ne quidem mentionem facit; sic enim lo. cit. §. eadem omnibus ordinat ac decernit: quandounque eius (qui obtinent Beneficium curam animarum habent annexum) causa prius per Episcopum cognitâ & probata abesse contigerit, Vicarium idoneum ab ipsi Ordinario approbandum cum debita mercede

is assignatione relinquant. Enī soli Ordinario (seu Episcopo, ejusve Vicario Generali) tribuit potestatem causam absentiae cognoscendi & probandi, Vicarium approbanti, eique congruam assignandi: quo ergo Jure se laborat intrudere Patronus, præsertim Laicus, ad hujusmodi etiam inhabilis? Accedit.

4. Universalis consuetudo & praxis, ex qua constat, nullibi, quod scio, interrogari vel attendi Patronos, ubi constituendus venit Vicarius pro Beneficiato absente, aut causa absentiae cognoscenda: sed consuetudo est optima Juris dubij (quod tam in hac hypothesi dubium non est) interpres. Aliud est de Patronis Ecclesiasticis, Beneficium Curatum pleno jure sua Ecclesiae vel Beneficio incorporatum habentibus; hi enim, quia non sunt mere Patroni, sed potius Parochi principales, nominant suos Vicarios, perpetuos vel temporales, atque constituant, approbando tamē & hos ab Ordinario.

In oppositum & pro Patrono allata nihil facessunt negotij. Ad l. aio, textum loqui de collatione Beneficij patronati *vacantis*, præterit Patronū facta, quam reclamante Patrono irritam esse non difficitur. Athīc non agitur de collatione Beneficij vacantis, sed de constitutione Vicarii in Beneficio non vacante, circaquod nulla provisio

aut dispositio in Jure reperitur concessa Patrono, præsertim Laico, sed à Trid. & consuetudine satis aptè tribuitur soli Ordinario, ut vel det Vicarium, vel quem petit Beneficiatus, approbet causā prius cognitā & probatā.

Ad 2. Nec *virtualis* hic reperitur vacatio Beneficij, aut *defacto* tantum; quia Beneficiatus, licet absens sit, adhuc vivit, & sicut jus & titulum in Beneficio ac Pastoratu suo nunquam dimisit, nec illo vel à Jure vel ab homine privatus est, ita & possessionem vel quasi, saltem civilem, quæ omnino sufficit, adhuc retinet, cùm à nemine sit eā dejectus: habet proin hoc Beneficium adhuc suum proprietarium & possessorem, consequenter nullo modo vacare dognoscitur. Ut autem Patronus circa Beneficium aliquid possit, illud proprietario & possessore destitutum esse oportet, & sic Beneficium propriè vacare, de Jure & facto simul. Ad residentiam personalem in Beneficiis Curatis nec Divinum nec Ecclesiasticum Jus obligat præcisè ac absolutè, sed solum sub conditione, nisi ex iusta causa Superioris judiciorū indulgeatur longior absentia, & officia per alium æquè aut magis idoneum, de quibus judicare ad Episcopum spectat, præstentur, uti ipsum Trid. c. 1. cit. manifestè insinuat, & communis probat sententia. Imò, licet iusta causa aut substitutio Vicarii idonei

Li 2 non

non intervenirent, tamen non hoc ipso statim induceretur vacatio, & absque sententia Judicis. *c. 8.
10. 11. & fin. de Cleric. non resid. Trid.
lo. cit.*

Ad 3. Competit quidem Patronis defensio Ecclesiæ à se fundatæ vel dotatæ, ne opprimatur à potentioribus, ne ejus bona alienentur aut dilapidentur, item cura & sollicitudo aliqua circa rem Divinam, nontamen exercenda per viam jurisdictionis in ipsos Clericos à se præsentatos, aut in ipsum Beneficium, sed solum per modum honestæ commonitionis, vel, si hæc non sufficiat, denuntiationis Episcopo faciendæ, ut is corrigat Beneficiatum, & Ecclesijs reique Divinæ provideat, solâ relictâ præsentandi potestate, ubi Ecclesiam vacare

contigerit. Hoc, non plus, in dictis Canonibus indulgetur Patronis. Et ideo, si in præsenti Patronus Laicus præcisè monuisset Ordinarium (casu quo in aliunde non curâset provisionem fieri) ut constitueret vel provideret Vicarium idoneum pro abente, nihilque aliud prætendisset, suo muneri & obligationi conformiter egisset: at verò cùm intenderat impedire Ordinarium à libera provisione Vicarij, sūmque consensum requiri velit, minimè ferendus est, utpote limites Patroni excedens, atque in jusatienum temere involans contra SS. Canones.

